

孔

叢

子

一

Z121.6

1
(8)

連
禁
附

孔
林
取
子

連
琛
署
檢



潮陽鄭氏

用程氏漢

魏叢書本

校刊

欽定四庫全書提要

孔叢子三卷舊本題曰孔鮒撰所載仲尼而下
子上子高子順之言行凡二十一篇又以孔臧
所著賦與書上下二篇附綴於末別名曰連叢
鮒字子魚孔子八世孫仕陳涉爲博士臧高祖
功臣孔聚之子嗣爵蓼侯武帝時官太常其書
文獻通考作七卷今本三卷不知何人所併晁
公武讀書志云漢志無孔叢子儒家有孔臧十
一篇雜家有孔甲盤孟書二十六篇其獨治篇鮒

或稱孔甲意者孔叢子卽孔甲盤孟連叢卽孔臧書案漢書藝文志顏師古註謂孔甲黃帝之史或云夏后孔甲似皆非則孔叢非盤孟又志於儒家孔臧十篇外詩賦家別出孔臧賦二十篇今連叢有賦則亦非儒家之孔臧公武未免附會朱子語類謂孔叢子文氣軟弱不似西漢文字蓋其後人集先世遺文而成之者陳振孫書錄解題亦謂案孔光傳孔子八世孫鮒魏相順之子爲陳涉博士死陳下則固不得爲漢人

而其書記鮒之沒則又安得以爲鮒撰其說當
矣隋書經籍志論語家有孔叢七卷註曰陳勝
博士孔鮒撰其序錄稱孔叢家語竝孔氏所傳
仲尼之旨則其書出於唐以前然家語出王肅
依託隋志旣誤以爲真則所云孔叢出孔氏所
傳者亦未爲確證朱子所疑蓋非無見卽如舜
典禮於六宗何謂也子曰所宗者六皆潔祀之
也埋少牢於泰昭所以祭時也祖迎於坎壇所
以祭寒暑也主於郊宮所以祭日也夜明所以

一 祭月也幽禋所以祭星也雩禋所以祭水旱也
禋於六宗此之謂也其說與僞孔傳僞家語竝
同是亦晚出之明證也其中第十一篇卽世所
傳小爾雅註疏家往往引之然皆在晉宋以後
惟公羊傳疏所引賈逵之說謂俗儒以六兩爲
鈞正出此書然謂之俗儒則非漢藝文志之小
爾雅矣又水經注引孔叢子曰夫子墓塋方一
里在魯城北六里泗水上諸孔邱封五十餘所
人名昭穆不可復識有銘碑三所獸碣具存云

云今本無此文似非完帙然其文與全書不類
且不似孔氏子孫語或酈道元誤證抑或傳寫
有譌以他書誤題孔叢歟

孔叢子序

大梁李濂氏曰孔叢子七卷爲篇二十有三世傳漢
孔鮒撰鮒字子魚一名甲魏相子順之子也秦并六
國召鮒爲魯國文通君拜少傅始皇三十四年丞相
斯議令燔書鮒懼遺典之滅亡也方來之無徵也違
令之禍烈也乃與其弟子襄歸藏書壁中隱居嵩山
之陽無何陳涉起爲楚王聘鮒爲博士鮒以目疾辭
退而著是書乃蒐輯仲尼而下子思伋子上帛子高
穿子順慎之言行列爲六卷至漢孝武朝太常孔臧

子壹

又以所著賦

曰孔叢子二

爲之註矣唯

孔叢子而餘

六篇宋晁氏

也然考顏監

又史稱田松

豈徵信哉生

語愚謂或子

東京始行謂爲盤孟書則不可知其自孔子則無疑也故彙而刻之丁丑夏日志

孔叢子目錄

卷上

嘉言第一

論書第二

記義第三

刑論第四

記問第五

雜訓第六

居衛第七

子叢子
目錄
巡狩第八

公儀第九

抗志第十

小雅第十一

卷中

公孫龍第十二

儒服第十三

對魏王第十四

陳士義第十五

論勢第十六

執節第十七

詰墨第十八

獨治第十九

問軍禮第二十

荅問第二十一

卷下

連叢子上第二十二

連叢子下第二十三

孔叢子目錄終

孔叢子卷上

漢 魯人孔鮒著

明 新安程榮校

嘉言第一

夫子適周見萇弘言終退萇弘語劉文公曰吾觀孔仲尼有聖人之表河目而隆顙黃帝之形貌也修肱而龜背長九尺有六寸成湯之容體也然言稱先王躬履謙讓洽聞強記博物不窮抑亦聖人之興者乎劉子曰方今周室衰微而諸侯力爭孔丘布衣聖將

子叢子
卷一
安施萇弘曰堯舜文武之道或弛而墜禮樂崩喪亦
正其統紀而已矣旣而夫子聞之曰吾豈敢哉亦好
禮樂者也○陳惠公大城因起淩陽之臺未終而坐
法死者數十人又執三監吏夫子適陳聞之見陳侯
與俱登臺而觀焉夫子曰美哉斯臺自古聖王之爲
城臺未有不戮一人而能致功若此者也陳侯默而
退遂竊赦所執吏旣而見夫子問曰昔周作靈臺亦
戮人乎荅曰文王之興附者六州六州之眾各以子
道來故區區之臺未及期日而成矣何戮之有乎